

LUK LUK LONG WEDA COS

Wan fala simol sekese long olketa man from wan fala sikul baebae olketa i cam long Weda Cos long September long des ia anda stap go go casem Januari.

Olketa man ia i baebae cam from wan fala big sikaol olketa colem "Ist West Senta" long piles olketa colem Hawaii. Olketa ia i baebae naen (9) fala everiwan, anda baebae tiri fala (3) i baebae tekem cam mere blong olketa. So baebae twelve (12) fala everiwan nao i cam.

Tisa blong sekese ia baebae tufala (2) ia, anda olketa ia i Mare Chapman and Pita Piri. Tufala nao baebae boss long sekese ia.

Olketa everiwan ia i baebae stap long sekese (6) fala vilis long Weda Cos, long olketa piles stat cam long Marau go casem Wandara Dei. Olketa ino save iet watkaen vilis barava nao baebae olketa i stap long olketa.

Mista Mare and Mista Pita, tufala i baebae stap long tufala diferent piles mekem olketa savve helepem olketa long sekese ia.

Everiwan long sekese ia, baebae olketa i stap long sekese (6) fala vilis. Tufala baebae stap long wan fala vilis, and tufala moa baebae stap long nara vilis olsem. Long olketa sikese (6) vilis ia, baebae tufala nao i stap long everiwan.

Olketa long des fala sekese ia, olketa i wande faendem oat anda lanem hao olketa pipol long Weda Cos i stap, or olsem hao olketa i stap sapos gud o no moa.

Samfala samting olsem nao baebae olketa askem long olketa pipol.

1. Olketa baebae askem olsem hao mani pipol i sistap long vilis. Olsem hao meni pikinini, hao meni mere anda hao meni man.
2. Olketa baebae askem pipol tu fo taem aot wat kaen sikinesi i savve sipoelem olketa oltaem.
3. Olketa wande askem tu olsem wat kaen piles nao pipol long vilis i oltaem wakabaot go long hem oltaem. Olsem taem olketa pikinini i wakabaot wea nao baebae olketa i go go oltaem. Sem tu long olketa man anda mere..... wea nao olketa i savve go wakabaot oltaem?
4. Olketa baebae askem tu abaot gaden blong pipol. Olketa i wande ~~xx~~ savve sapos bigi wan or simol wan.
5. Olketa baebae askem wat kaen samting nao pipol i garem long gaden, olsem kumara o bini o cavisi anda olketa samting olsem.
6. Sekese ia i baebae askem tu abaot olketa castom blong pipol. Olsem wei blong pipol barava hao stat cam from taem befoa.
7. Olketa baebae askem tu sapos pipol i stap gud no moa anda sapos olketa i hapi longo laef blong olketa.

Olketa samting olsem wea baebae olketa askem ia, baebae hem i gud fo faendem aot sapos samfala piles long Weda Cos ino garem plande garaon for pipol wakem olsem gadem. Des kaen waka wea sekese ia i wande doim, olketa minim for olsem faendem aot sapos namba long pipol long Weda Cos i fitim garaon wea i stop long piles ia.

Sam fala sikul boy blong iumi baebae olketa i helepem des fala sekese ia long waka ia. Anda sapos eni olketa pikinini wea i jas cam aot long sikul long standad seven (std. 7) olketa wande helepem olketa tu, olketa savve askem Mista Mare and Mista Pita taem olketa i casem piles.

(Cont./...)

Taem olketa long sekese ia i faendem aot olketa samting olketa i wande faendem, baebae olketa go baek long sikul blong olketa anda raetem wanfala buka. Buka ia i olsem fo soum aot sapos eni wei wea pipol long Weda Cos i savve foloum mekem olketa i stap gudfala barava.

Sapos pipol long Weda Cos i helepem olketa ia gudfala, anda sitori gud wetem olketa taem olketa cam, baebae hem i helepem sekese ia tumas long waka blong oketa.

Issued by East West Population Institute and published in Pidgin by Solomon Island Information & Broadcasting Services August 1972.